

中華民國二十二年四月三版

四〇〇〇……六〇〇〇

版權所有

西太后軼事

(定價大洋四角)

▲外埠酌加運費匯費▼

編著者

羊城楊公道

出版者

紫琅崔俊夫

印刷者

大中華書局

發行者

大中華書局

分發行

明星書局

總發行所及批發處

上海

牯嶺路
鹹麟里

大中華書局

▲全國各埠各大書局均有經售▼

清 慈 禧 太 后 像



慈禧軼事目錄

宮中諱言蘭花

少時之貧乏

與文宗愛情之深

安得海案之真相

菜包之來歷

召游手入宮扮演高蹺

觀戲之癖

自編戲本

學繪事于繆素筠

李蓮英之妹

光緒選后之軼聞

李蓮英之真相

太監上書言時事

不袒義和團之確證

西狩之軼事

李蓮英假西后名吸鴉片

珍妃之軼事

鄭思賀以口吃被斥

宮中照相之始

德宗早朝時之苦況

萬牲園之由來

愛花之癖

和藹懇摯之德

守舊之特性

服飾之奢侈

食量之豪

慈禧軼事 目錄

三

宮中守歲之禮

宮中元旦食水餃子

上元觀戲之習

百花生日拈香之習

薛某以醫進身

德菱入宮之由

宮中之珍寶

愛雪之癖

喜冒雨出游

帝黨后黨之紛爭

寶座之異聞

少時容貌之美

深畏外人譏議

蕉扇之珍貴

珠履之異

海獺

性情乖僻之一斑

臨崩時之軼事

慈禧軼事 目錄

宮中稱呼之異

畫葡萄之軼聞

頤和園所供之觀音

頤和園中之銅亭

楊乃昌

風雨珠

飲食起居無定所

宴西賓用羊奶

宮中供武后像

喜論古今帝后

艷羨西湖風景

繪西湖圖之趣聞

御貓

庚子西狩之預兆

頤和園中之電燈

法人入宮演馬戲

轉輪藏

仙雞之異聞

慈 禱 軼 事

目 錄

八

荷花會

玉蜀黍之滋味

紅木小盒之異

慈禧軼事

宮中諱言蘭花

慈禧名蘭字芝田。雖無避諱之例。然內廷凡遇蘭花。均改呼爲蕙。宮中三海及頤和園一切聯額。亦無敢用此字者。南書房翰林避之尤謹。書寫進御之件。無敢觸犯。宮闈間自皇后以下。衣履頭飾。俱不得綉鑿此花。時有睿王新娶子媳。循例入覲。不知禁忌。頭上插有碧玉蘭花一枝。入至甯壽宮門。守門太監見之。告以宮諱。令速回邸更易。然後得入。歸語睿王。贈是監以千金。謝其知照焉。

少時之貧乏

慈禧爲滿員惠徵之次女。幼時不見愛於父母。凡有所需。動遭訶斥。所衣者皆其姊之敝衣。僅得蔽體而已。或謂其曾與榮祿訂昏。殆不可信。父歿家綦貧。所遺寡婦孤兒。幾難自存。時人盛傳其扶柩北上。過清江時。誤得清河縣令吳棠之賻贈。乃克抵京。後十餘年。太后已垂簾聽政。吳棠適以他事被劾。將獲重譴。太后憶其名。乃令送部引見。吳已早忘前事。得此殊恩。頗爲駭詫。入覲時。溫諭有加。命之平視。並稱謝昔日之惠。不久卽簡某省道員。洊升至漕運總督焉。此事衆口一詞。言之鑿鑿。蓋非無因也。慈禧及歲之後。

與慈安被選入宮。慈安封爲嬪。而慈禧則爲貴人。蓋是時方遭道光國喪。不能遽定后位。行大婚禮也。慈禧以聰明智慧。善伺帝意。寵冠後宮。然以德性門第。皆遠遜慈安。經歷次覃恩。僅得貴妃位號。直至咸豐六年。生同治後。其地位乃鞏固矣。其後雖與慈安同時垂簾。不啻獨秉大政。年僅二十餘也。母居內城錫拉胡同。因后族推恩。得封公爵夫人。頗有才能。嫺習禮節。苦節多年。歿後葬於城西。太后爲造大理石牌樓。以表孝思。迨光緒二十八年。由西安歸。過正定。改乘火車回京。初擬由京漢鐵道。臣工諫止。以爲由此必須經過太后父母墳墓。不下則爲失禮。太后遽令改道繞南。時

人皆頌其知禮焉。

與文宗愛情之深

今之文明結婚者。有更換戒指之禮。不知滿人已早行之。慈禧有金玉戒指各一隻。據云乃文宗定情時所賜。文宗晏駕。慈禧甚珍視之。什襲收藏。每歲值先皇忌辰。必陳諸几筵。對之流涕不已。雖至年老。未嘗或異。咸豐帝崩於七月。慈禧及期。必先移居宮內。悵悵寡歡。凡宴會演戲等事。是月概行停止。宮闈間並不得有音樂聲。太后身御黑色之衣。卽左右承奉之人。亦不得稍著彩色。諸事莫不含悽戚之意。蓋文宗賓天之時。慈禧甫逾二十。而依戀之深。

至於數十年之久。未嘗稍衰。亦可謂難能矣。嘗對人云。世界人之苦。無有過於孀嫗者。以予廁身宮闈。自先帝駕崩。所遭之蹇。已不可以僂指。均幸皇天眷佑。僅乃克濟。今雖安樂。初何足云。能白首齊眉。布衣淡食。雖爲窮黎。固吾所至願也。

安德海案之真相

權閹安德海之事。各書記載不一。友人鄭君叔萊爲予言。此案生時。彼方隨侍其尊人。在山東汶上縣任所。所聞較爲確實。據安本一市井無賴。貌極豐腴。應對便捷。入宮後。甚得慈禧寵任。入驕縱。公卿皆避道而行。一日方乘快車。馳驅道中。適與毛文

公昶熙乘輿相撞。毀其轎簷。牕紗盡碎。安竟不顧而去。毛大怒。時適值南書房。乃於講讀之暇。從容爲穆宗言之。並及安平日諸不法狀。帝亦先有所聞。以碍於太后。無如何也。會逢歲除。安進綵箋。乞帝賜福。帝爲書畢。旁署云。某年月日御筆。書賜小女子。安猶以爲帝與之戲也。出以示人。或曰。女字乃安字無頭耳。人非呼汝小安子耶。安乃大驚。始知上有殺之之意。泣以告太后。太后又以言官抗疏糾彈。風聲漸惡。太后乃使陽以赴泰山進香爲名。令其暫離都邑。而安則懷遠遁之意。故將歷年所得貲財珍寶。纍纍鉅萬。盡攜之以行。到東時。復忘所以氣燄薰灼。不可一世。東撫丁寶楨

乃專弁入都。報告恭王請示。恭王以機不可失。乘慈禧正在觀劇。卽擬定諭旨。迫慈安署名。此旨卽命丁將安訪拿。在山東正法也。丁奉廷寄後。密飭知縣訪拿。時安已行抵泰安縣。因與縣令何玉福有金蘭誼。下榻署中。何已先奉密札。仍不動聲色。並願陪同晉省。實暗加看管也。抵濟時。丁卽派差官。以已之乘輿往迎。安猶以欽使自居。厲聲訶斥來差。謂撫軍何人。乃不解親身來迎。跪請聖安耶。差官但唯唯承順。及至撫署。則已兵衛森列。命安下輿。跪聽宣讀。至就地正法句。安已面無人色。軟攤地上。不能起立。當命何玉福爲監斬官。綁出行刑。至安所攜輜重。奚翅數十萬。悉留泰安。